

Bim Balkon vom Hus

Text und Musik
Jacob Stückelberger

C G C Am F
I üs-em Brief-chasch-te hei zmits im Mei-en ischs gsy zwo Am-slen es

7 G C C F G C
Näsch-tli bout jitz chöi mir nüm-me für hei z'ga dür d'Hus-tü-ren

13 Am F G C C F
y die isch dür di Vö-gel ver-bout drum blybt als Y-gang üs

19 G C Am F G C
nu-me no d'Schlaf-zim-mer-tür bim Bal-kon vom Hus hin-de-für

Bim Balkon vom Hus hindefür

1. I üsem Briefchaschte hei zmits im Meien ischs gsy zwo Amslen es Näschtli bout jitz chöi mir nümme für hei z'ga dür d'Hustüren y die isch dür di Vögel verbout drum blybt als Ygang üs nume no d'Schlafzimmertür zum Balkon vom Hus hindefür
2. S'isch nid lang gange hei d'Amslen im Juni de druf drü gfläcketi Eier gleit und üsi Poscht git dr Pöschtlar dr Balkon z'durüf denn vor em Briefchaschte steit i grosse Buechstabe: Ygang bir Schlafzimmertür bim Balkon vom Hus hindefür
3. E Monet später da het mes de chönne vernäh wien es im Briefchaschte pfyft s'het offebar us drü Eier drü Vögeli gä e Bsuech wo das nid weis dä gryft sech zwar a Chopf won er chlättret gäg d'Schlafzimmertür zum Balkon vom Hus hindefür
4. Im Ougschte strecke drü Vögeli d'Schnäbeli scho obe zum Briefchaschten us und wo die schliesslech sy ganz us em Schlitz usecho verlöh si im Herbst üses Hus und drum wirds stiller dert hinde bir Schlafzimmertür bim Balkon vom Hus hindefür
5. Im andre Meie fahts wider im Briefchaschten a jitz aber jitz erscht wirds prekär jitz chönne mir nümme i mys Hus ynega vilicht blybts dr Summer dür läär denn s'het es zwöits Näschtli gä bi dr Schlafzimmertür bim Balkon vom Hus hindefür